

Staðfesting forsetans á skipulagsskrá fyrir Vistheimili Bláa Bandsins í Viðinesí í Kjalarneshreppi, Kjósarsýslu, útgefin á venjulegan hátt að mandatum af dómsmálaráðherra 15. september 1967.

Skipulagsskráin er þannig:

SKIPULAGSSKRÁ

fyrir Vistheimili Bláa Bandsins í Viðinesí í Kjalarneshreppi, Kjósarsýslu.

1. gr.

Hjúkrunar- og dvalarheimilið að Viðinesí í Kjalarneshreppi, sem stofnað var af Áfengisvarnarfélaginu Bláa Bandið 1958, með samþykki heilbrigðismálaráðuneytisins í bréfi, dags. 18. nóv. 1958, og sem til þessa hefur verið starfrækt af því félagi, skal hér eftir vera sjálfseignarstofnun með sérstakri stjórn samkvæmt 5. gr. skipulagsskrár þessarar.

2. gr.

Stofnunin heitir: „Vistheimili Bláa Bandsins í Viðinesí.“

3. gr.

Eignir stofnunarinnar eru samkvæmt efnahagsreikningi í árslok 1966:

1. Jörðin Viðines í Kjalarneshreppi ásamt öllum húsum, girðingum og öðrum mannvirkjum, sem á jörðinni eru, bókfært verð	kr. 1 677 745.00
2. Skuldabréf Gæzluvistarsjóðs vegna sölu á Flókagötu 29, dags. 24. maí 1963 (eftirst.)	— 333 064.00
3. Vélar, tæki, innbú, bifreiðar og annað lausafé, bókfært verð ..	— 522 069.00

Samals kr. 2 532 878.00

Skuldir:

1. Veðskuldir	kr. 752 941.65
2. Vixilskuldir	— 366 000.00
	kr. 1 118 941.65

4. gr.

Tilgangur stofnunarinnar skal vera hér eftir sem hingað til að starfrækja að Viðinesí vistheimili fyrir drykkjusjúklinga, — sérstaklega karlmenn — sem af eigin hvötum leita sér lækninga á drykkjuskap sínum.

Ákveða skal með reglugerð, sem stjórn stofnunarinnar semur og heilbrigðismálaráðherra staðfestir, alla nánari reksturtilhögun vistheimilisins, sbr. 3. mgr. 17. gr. laga nr. 39 1964 um meðferð ölvaðra manna og drykkjusjúkra.

5. gr.

Stjórn vistheimilisins skulu skipa 5 menn, búsettir í Reykjavík eða nágrenni. Þeir skulu kjörnir í fyrsta sinn á aðalfundi félagsins 1966, til fjögurra ára. Að þeim tíma liðnum gengur einn stjórnarmanna úr árlega eftir hlutkesti, og kýs þá stjórn Bláa Bandsins mann í hans stað til næstu fjögurra ára. Sama er, ef stjórnarmeðlimur hættir störfum í stjórninni af einhverjum ástæðum.

Ef Bláa Bandið hættir störfum, skal stjórn vistheimilisins sjálf velja stjórnarmann í stað þess, sem árlega gengur úr stjórninni eða hættir þar störfum af öðrum ástæðum.

6. gr.

Formaður boðar til funda í samráði við ritara, stjórnar þeim og sér um að ályktanir stjórnarfundar séu framkvæmdar. Hann getur, þegar þörf krefur, kvatt aðra stjórnarnefndarmenn sér til aðstoðar, eða ráðið sérstaka menn til þess að annast ákveðið verk, með samþykki stjórnarinnar.

Í forföllum formanns gegnir varaformaður störfum hans.

Ritari heldur gerðabók yfir það, sem gerist á stjórnarfundum, svo og um annað það utan funda, sem máli getur skipt.

Á aðalfundi leggur gjaldkeri reikningana fyrir stjórnina til úrskurðar, ásamt at-
hugasemdum endurskoðenda.

7. gr.

Stjórnin annast allan rekstur vistheimilisins samkvæmt skipulagsskrá þessari og reglugerð þeirri er í 4. gr. getur. Hún annast fjárreiður stofnunarinnar, og ræður starfsfólk, ákveður starfstilhögun og veitir dvalarvistir í samráði við lækni stofnunarinnar. Stjórnin skuldbindur stofnunina með undirskrift eigi færri en þriggja stjórnarmanna og hún ber að landslögum ábyrgð á starfsemi hennar. Stjórninni ber að efla hag og heill vistheimilisins í öllum greinum, auk starfsemi þess, ef þörf krefur og tök eru á, og sjá um að það gegni hlutverki sínu, svo vel sem kostur er hverju sinni. Heimilt er stjórninni að ráða sérstakan framkvæmdastjóra og fela honum nánar tiltekið verkefni.

8. gr.

Reikningar vistheimilisins skulu endurskoðaðir af löggiltum endurskoðanda, sem stjórnin velur til þess, en auk þess skulu þeir endurskoðaðir af tveim mönnum og tilnefndir heilbrigðismálaráðherra annan þeirra en hinn tilnefndir borgarstjórinn í Reykjavík. Endurskoðendur skulu tilnefndir til fjögurra ára. Eigi síðar en í apríl-mánuði ár hvert skal halda aðalfund stofnunarinnar og leggja fram endurskoðaðan rekstrar- og efnahagsreikning hennar fyrir næstliðið ár og skýrslu um starfsemi-
na. Reikninginn og skýrsluna skal, að afgreiðslu lokinni, senda heilbrigðismálaráðuneytinu, landlækni og borgarstjórn Reykjavíkur. Reikningsár vistheimilisins er almanaksárið.

9. gr.

Tekjur vistheimilisins er gert ráð fyrir að verði:

- a. Daggjöld með vistmönnum.
- b. Opinberir styrkir.
- c. Ágóði af rekstri og búskap í Viðinesi.
- d. Gjafir og styrktarfé, sem stofnuninni kann að áskotnast.

10. gr.

Stjórnin setur reglur um rekstur þann, sem fram fer í Viðinesi, nýttun jarðarinnar og alla starfstilhögun í því sambandi.

11. gr.

Ekki má láta af hendi stofnunina eða eignir hennar fastar eða lausar, nema andvirðinu sé beinlínis varið til að reisa og reka annað eða önnur vistheimili fyrir drykkjusjúklinga í Reykjavík eða nágrenni, enda komi til samþykki heilbrigðismálaráðherra. Eigi má heldur binda fé stofnunarinnar eða eignir nokkrum veðböndum eða skuldbindingum, sem óviðkomandi eru tilgangi hennar.

12. gr.

Komi einhverntíma að því, að vistheimilisins verður ekki lengur þörf eða stjórn stofnunarinnar þykir rétt af einhverjum ástæðum að hætta rekstri þess, skal gefa

borgarstjórn Reykjavíkur kost á að taka við vistheimilinu og rekstri þess. Hafni borgarstjórnin því boði, skal heilbrigðismálaráðherra ráðstafa stofnuninni og eignum hennar á þann veg, sem þá þykir í mestu samræmi við tilgang hennar, sbr. 4. gr. skipulagsskrár þessarar.

13. gr.

Til þess að breyta skipulagsskrá þessari þarf $\frac{2}{3}$ atkvæða á fullskipuðum stjórnarfundum, enda samþykki borgarstjórnin í Reykjavík og heilbrigðismálaráðherra breytinguna. Leita skal staðfestingar forseta Íslands á skipulagsskrá þessari.

Reykjavík, 29. júní 1967.

Stjórn Vistheimilis Bláa Bandsins, Viðinesi.

Jónas Guðmundsson.

Guðm. Jóhannsson.

Vilhjálmur Heiðdal.

Sig. Egilsson.

Jónas Thoroddsen.

AUGLÝSING

um staðfestingu félagsmálaráðuneytisins á samþykktum byggingarsamvinnufélaga.

Samkvæmt lögum nr. 36/1952, um opinbera aðstoð við byggingar íbúða í kaupstöðum og kauptúnum, hefur ráðuneytið staðfest þessa samþykkt fyrir byggingarsamvinnufélög:

72. Samþykkt fyrir Byggingarsamvinnufélag framreiðslumanna, Reykjavík, Staðfest 18. sept. 1967.

Félagsmálaráðuneytið, 21. september 1967.

F. h. r.

Hjálmar Vilhjálmsson.

Gunnlaugur Þórðarson.

AUGLÝSING

um breytingu á starfsreglum fyrir endurkröfunefnd samkvæmt 76. gr. umferðarlaga nr. 26 2. maí 1958, nr. 137 17. maí 1966.

1. gr.

3. mgr. 2. gr. orðist svo:

Félag íslenzkra bifreiðaeigenda (F.Í.B.) skal og sem landssamband bifreiðaeigenda tilnefna einn mann í nefndina.

2. gr.

Í stað „1. janúar 1966“ í ákvæði til bráðabirgða komi: 1. janúar 1967.

Auglýsing þessi, sem sett er samkvæmt 76. gr. umferðarlaga nr. 26 2. maí 1958, öðlast þegar gildi.

Dóms- og kirkjumálaráðuneytið, 21. september 1967.

Jóhann Hafstein.

Ólafur W. Stefánsson.